



Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

VI. An, & quâratione Deus sit vbique præsens.

urn:nbn:de:hbz:466:1-38954

SECTIO VI.

*An, & quāratione Deus sit ubique
præsens.*

CVm duo sint, quæ rem quamlibet existentem necesse fariò consequantur, scilicet duratio & locus; & quidquid est, aliquando & alicubi esse oporteat, illudque nihil esse dicatur, quod nunquam & nusquam existit; ideo post considerationem æternitatis, quam ad instar durationis in Deo concipimus, agendum est de perfectione illa, per quam ipse rebus creatis præsens esse concipitur, quæ quidem à Theologis immensitas vocatur.

Dicendum est igitur Deum per illam suam immensitatem ubique realiter præsentem esse. Est de Fide.

Et probatur 1. ex scripturis. Ierem. 23. *Cælum & terram ego impleo.* Pl. 138. *Si ascendero in cælum, tu illic es: si descendero in infernum, ades:* Act. 17. *Non longè est ab unoquoque nostrum.* In ipso enim vivimus, & mouemur, & sumus.

Probatur 2. ex S. Athan. in symb. *Immensus Pater, immensus Filius, immensus Spiritus Sanctus:* & S. Aug. lib. 5. de Trinit. cap. 1. *Deus ubique est, sine ullo situ præsens, sine habitu omnia continens, sine loco ubique totus.*

Probatur 3. quia si Deus realiter ubique non esset, sed ab aliquibus locis abesset (vt quidam hæretici dixerunt) sequeretur eum non esse in omni genere perfectionis infinitum; deesset enim illi præsencia in aliquo loco, quæ est quedam perfectio: sequeretur præterea eum moueri posse de loco in locum, quod est absurdum, & eius immutabilitati repugnans.

Iam quod spectat ad modum, quo Deus ubique esse concipitur; cum res creatæ duobus tantum modis dici possint esse alicubi; vel circumscriptiù, cùm scilicet totum toti loco & partes totius loci partibus respondent; vel definitiù, cùm totum in toto loco est, & totū in qualibet

bet parte 'oci, sicut in corpore hominis inest anima; Deus neutro ex his duobus modis dici potest rebus creatis esse præsens: non circumscriptiuè, cùm non constet partibus, quæ diuidi aut extendi possint: vnde S. Aug. epist. 57. ad Dardanum, *In eo ipso* (inquit) quod dicitur *Deus ubique diffusus, carnali resistendum est cogitationi, & mens à corporis sensibus euocanda, ne quasi spatiis à magnitudine opinemur Deum per cuncta diffundi.*

Nec etiam definitiuè, cùm eius præsentia nullo definitur loco; ita ut dicendum potius sit (ut notat Boëtius) quod Deo locus omnis sit præsens, quam quod Deus in illo sit loco.

Cùm igitur, neutro ex his duobus modis Deus præsens sit, & tamen verè ac realiter ubique sit, restat, ut alio quodam longè perfectiori modo, licet inexplicabili, illum ubique esse concipiamus: de illo autem diuinæ immensitatis inexplicabili modo variè loquuntur SS. Patres, S. Greg. lib. 16. mor. cap. 15. dicit, quod *incircumscrip*tus Dei *Spiritus omnia intra semetipsum habet, que tamen & implendo circundat, & circundando implet, & sustinendo transcendit, & transcendendo sustinet.*

S. Ioannes Damasc. lib. 1. cap. 8. de fide vocat diuinitatem *implentem omnia, & à nullo comprehensam, sed potius amplectentem omnia & continentem, & suprà eminentem, & sine ulla inquisitione substantijs omnibus insuffit, & ultra omnia.*

Petrus Damianus Opusc. 36. *Ipsè Deus, inquit, manet super omnia, ipse infra omnia, ipse intra omnia, ipse extra omnia; superior est per potentiam, inferior per sustentationem, interior per subtilitatem, exterior per magnitudinem.*

Quærunt hīc aliqui, an Deus sit extra huius mundi ambitum in spatijs imaginarijs, quæ illic esse concipiuntur? Respondeatur breviter Deum non esse in illis spatijs, tanquam in locis realibus; cùm ibi nulla sit substantia, nullum accidens, sed merum inane; nec etiam huius mundi terminis eius immensitatem definiri: ac proinde conceperem debemus Deum extra mundum eodem modo esse, quo fuit, antequam ipsum è nihilo crearet mundum: *Vñ erat*

Deus

Dens (inquit S. Bernardus lib. 5. de Consid. c. 6.) antequam mundus fieret, ibi nunc est; non est, quod queras ultrà, ubi erat, prater ipsum nihil erat; ergo in se ipso erat.

SECTIO VII.

An Deus sit in omni genere perfectionis infinitus.

Voniam diuinorum perfectionum nec numerus nec finis est, omnia, quae de illis dici possunt, uno verbo concludemus, si dixerimus Deum esse in omni genere entis & perfectionis infinitum. Est de fide; & ut sic, definitum est in Conc. Lateranensi cap. 1. sub Innocentio III. & præterea probari potest ex scripturis: Ps. 44. *Magnus Dominus, & laudabilis nimis; & magnitudinis eius non est finis;* Baruc. 3. *Magnus est, & non habet finem; excelsum & immensus.*

2. Ex S. Dionysio lib. de Diu. Nom. cap. 9. *Magnus est Deus, & supra omnem magnitudinem, & omnem transuersum infinitatem;* & S. Damasceno lib. 1. de Fide cap. 4. *Deus infinitus est, & incomprehensibilis, & hoc unum de illo potest comprehendendi, quod sit incomprehensibili & infinitus.*

Illud præterea constat ex eo, quod cum nihil possit ex cogitari Deo maius vel melius, ac ipse Deus de facto habeat in se perfectiones omnes possibles; hinc sequitur illum esse infinite perfectum, ita ut præter ipsum nihil tale possit reperiri; quia quocunque ens possit excogitari & quantumlibet perfectum, una tamen perfectio semper illi deerit, scilicet esse ab omni alio independens: quidquid enim non est Deus, essentialem ab illo dependetiam habet.

CA.